



**OPĆINSKI NAČELNIK**

**MUNICIPALITY MAYOR**

Broj: 05/2-11/3-2048/26  
Velika Kladuša, 05.08.2026. godine

Na osnovu člana 70. stav (1) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu otvorenog postupka sa zaključenjem okvirnog sporazuma za nabavku radova – Rušenje bespravno izgrađenih objekata na području općine Velika Kladuša a po preporuci Komisije za javne nabavke, Općinski načelnik Općine Velika Kladuša, donio je

**ODLUKU**

**o dodjeli ugovora drugorangiranom ponuđaču**

1. Stavlja se van snage Odluka o dodjeli ugovora broj: 05/2-11/3-2048/26 od 31.07.2026. godine, donesena u postupku javne nabavke radova – Rušenje bespravno izgrađenih objekata na području Općine Velika Kladuša, pokrenutom na osnovu Obavještenja o nabavci broj: 299-1-3-58-3-110/26 od 03.07.2026. godine. Ugovor se dodjeljuje drugorangiranom ponuđaču BK – KENDIĆ GRADNJA d.o.o. Velika Kladuša, čija je konačna ponuđena cijena 24.900,00 KM bez PDV-a.
2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.
3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

**Obrazloženje**

Na osnovu Odluke Općine Velika Kladuša broj: 05/2-11/3-2048/26 od 02.07.2026. godine, pokrenut je dana 03.07.2026. godine na Portalu JN broj: 299-1-3-58-3-110/26 postupak nabavke radova – Rušenje bespravno izgrađenih objekata na području općine Velika Kladuša.

Javna nabavka provedena je putem otvorenog postupka sa zaključenjem okvirnog sporazuma za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-1-3-58-3-110/26 objavljeno je na Portalu javnih nabavki (ejn.gov.ba), dana 03.07.2026. godine. Procijenjena vrijednost nabavke iznosi : 34.188,00 KM.

Krajnji rok za dostavljanje ponuda bio je 24.07.2026. godine do 14:00 sati, a javno otvaranje ponuda izvršeno je 24.07.2026. godine u 14:15 sati, što je konstatovano Zapisnikom sa otvaranja ponuda od 24.07.2026. godine.

Komisija za javne nabavke u Zapisniku o pregledu i ocjeni ponuda broj: 05/2-11/3-2048/26 od 24.7.2026. godine konstatovala je da je Tendersku dokumentaciju preuzelo 21 (dvadesetjedan) ponuđač, a da su nakon isteka krajnjeg roka za dostavljanje ponuda za nabavku radova – Rušenje bespravno izgrađenih objekata na području općine Velika Kladuša, pristigle 3 (tri) ponuda od strane ponuđača i to:

1. „**ADDA PROMET**“ d.o.o. Velika Kladuša sa cijenom od 31.587,00 KM bez PDV-a,
2. „**SAFIC ELECTRONICS**“ Velika Kladuša, sa cijenom od 34.020,00 KM bez PDV-a
3. „**BK KENDIĆ GRADNJA**“ d.o.o. Velika Kladuša sa cijenom od 34.188,00 KM bez PDV-a,

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude ponuđača: „ **ADDA PROMET** “ d.o.o. **Velika Kladuša**, „ **SAFIC ELECTRONICS**“ **Velika Kladuša**, „**BK KENDIĆ GRADNJA**“ d.o.o. **Velika Kladuša**, ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet e-aukcije.

E-aukcija za prihvatljive ponude zakazana je za 30.07.2026. godine. Nakon provedenog postupka e-aukcije 30.07.2026. godine započetog u 09:00:00 sati i završenog u 10:00:00 sati, te na osnovu Izvještaja o toku i završetku e-aukcije konačna rang lista ponuđača koji su učestvovali u e-aukciji je:

1. „ **ADDA PROMET** “ d.o.o. **Velika Kladuša** sa cijenom od 24.500,00 KM bez PDV-a,
2. „ **BK KENDIĆ GRADNJA**“ d.o.o. **Velika Kladuša** sa cijenom od 24.900,00 KM bez PDV-a,
3. „ **SAFIC ELECTRONICS**“ **Velika Kladuša**, sa cijenom od 34.020,00,00 KM bez PDV-a

Shodno utvrđenoj rang listi ponuđača nakon provedene e-aukcije 30.07.2026.godine, Komisija za javne nabavke u svom Izvještaju o radu Komisije nakon završene e-aukcije Zapisnik broj: 05/2-11/3-2048/26 od 30.07.2026. godine dala je Općinskom načelniku preporuku da donese Odluku o dodjeli ugovora za javnu nabavku radova – Rušenje bespravno izgrađenih objekata na području općine Velika Kladuša, imenovanom ponuđaču „**ADDA PROMET**“ d.o.o. **Velika Kladuša**, sa konačnom cijenom od 24.500,00 KM bez PDV-a, kao najpovoljnijem ponuđaču, odnosno da da saglasnost na Izvještaj radi provođenja daljnjih aktivnosti na realizaciji postupka nabavke u skladu sa odredbama Zakona i Općih akata.

Drugorangirani ponuđač **ADDA PROMET** d.o.o. je, nakon prijema Odluke o dodjeli ugovora, bio obavezan da, u skladu sa uslovima definisanim tenderskom dokumentacijom, dostavi dokaze iz člana 45. Zakona o javnim nabavkama BiH, kao i licencu/ovlaštenje nadležnog ministarstva za izvođenje predmetnih radova.

Do isteka ostavljenog roka za dostavu navedene dokumentacije, ponuđač je dostavio potvrde iz člana 45. Zakona o javnim nabavkama BiH, dok tražena licenca/ovlaštenje nadležnog ministarstva nije dostavljena.

S obzirom na to da ponuđač **ADDA PROMET** d.o.o. nije dostavio traženi dokaz o ispunjavanju uslova iz tenderske dokumentacije, nisu se stekli uslovi za zaključivanje ugovora sa navedenim ponuđačem. Shodno navedenom, ugovor se dodjeljuje sljedećem rangiranom ponuđaču – **BK-KENDIĆ GRADNJA d.o.o. Velika Kladuša**, sa konačnom ponuđenom cijenom od **24.900,00 KM bez PDV-a**.

Članom 72. tačka 3. a) Zakona o javnim nabavkama BiH propisano je sljedeće :

*„ (3) Ugovorni organ dostavlja prijedlog ugovora onom ponuđaču čija je ponuda po rang - listi odmah nakon ponude najuspješnijeg ponuđača, u slučaju da najuspješniji ponuđač:*

*b) propusti dostaviti dokumentaciju koja je bila uslov za potpisivanje ugovora, a koju je bio dužan da pribavi u skladu sa propisima Bosne i Hercegovine.*

Budući da je ponuda ponuđača **BK – KENDIĆ GRADNJA d.o.o. Velika Kladuša** sa ponuđenom cijenom 24.900,00 KM bez PDV-a odmah nakon ponude prvorangiranog ponuđača na listi prihvatljivih ponuda koju je sačinila Komisija za javne nabavke, ugovor za nabavku radova Rušenje bespravno izgrađenih objekata na području općine Velika Kladuša.se dodjeljuje drugorangiranom ponuđaču.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

**UPUTA O PRAVNOM LIJEKU:** Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 10 (deset ) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Обрађивач:

Aida Čerimagić

Kontrolisao:

Pomoćnik Općinskog načelnika  
za finansije, računovodstvo i  
javne nabavke

Sebila Đerović Melkić

**OPĆINSKI NAČELNIK**

**Boris Horvat**

DOSTAVITI:

1. Učesnicima u postupku, 3x,
2. Služba za upravu, društvene djelatnosti  
i zajedničke poslove (web stranica),
3. U spis.

